




Ang **Philippine Deposit Insurance Corporation** (PDIC) usa ka *government instrumentality* nga gimugna sa Kongreso pinaagi sa *Republic Act No. 3591* niadtong 22 Hunyo 1963 aron mapanalipdan ang mga depositor ug mapalambo ang pinansyal nga kalig-on.

Isip *state deposit insurer*, ang PDIC nanalipod sa mga depositor pinaagi sa paghatag og *deposit insurance* alang sa mga *insured deposits* sa mga bangko nga nag-operate sa Pilipinas.

Ang PDIC usab ang *statutory receiver* sa mga bangko nga gimandoan sa *Monetary Board of the Bangko Sentral ng Pilipinas (BSP)* nga musirado.

## Ang Pagbayad sa Utang sa mga Nasiradong Bangko

Giya para sa mga Nanghulam sa mga Nasiradong Bangko

Kon ang *Monetary Board (MB)* sa Bangko Sentral ng Pilipinas (BSP) mopasirado og bangko, mutudlo kini sa *Philippine Deposit Insurance Corporation (PDIC)* isip *receiver* sa gipasirado nga bangko. Mumando pud ang MB sa PDIC nga buhaton ang *liquidation* sa gipasirado nga bangko.

Responsibilidad sa PDIC nga ang *assets* sa gipasirado nga bangko i-convert sa *cash* aron mutaas kahigayunan nga ang *claims* sa *creditors* ug *uninsured depositors* mahimong husayon.

Gawas sa pag-baligya sa mga kabtangan sa mga nasiradong bangko, ang pagkolekta sa bayad gikan sa mga *borrowers* nga adunay *outstanding loans* sa mga nasiradong bangko ang ubang pamaagi sa pag-liquidate sa mga bangko.

Philippine Deposit Insurance Corporation  
PDIC Chino Bldg., 2228 Chino Roces Avenue  
Makati City 1231

Hotline: (02) 8841-4141 (alang sa mga tawag sa Metro Manila)

Toll-free: 1-800-1-888-PDIC or 1-800-1-888-7342  
(alang sa mga tawag gawas sa Metro Manila)

Website: [www.pdic.gov.ph](http://www.pdic.gov.ph)

Facebook: [www.facebook.com/OfficialPDIC](https://www.facebook.com/OfficialPDIC)

X (formerly Twitter): @OfficialPDIC

YouTube: [www.youtube.com/@PDICOfficial](https://www.youtube.com/@PDICOfficial)



© 2023

## NGANONG KINAHANGLAN BAYARAN ANG UTANG SA MGA NASIRADONG BANGKO?

Ang pagpasira sa bangko dili mowagtang sa obligasyon sa nanghulam para bayaran ang ilang utang sa bangko. Busa, obligasyon sa nanghulam nga maimpas kini.

- Ang pag-impas sa mga utang makatabang sa PDIC sa pagbayad sa mga gika-utangan sa nasiradong bangko, indibidwal man o mga negosyo. Ang gibayad sa utang paga-tiponon sa usa ka pondo diin kuhaon ang pangbayad sa *claims* sa mga gika-utangan sa nasiradong bangko. Ang mga *claims* paga-husayon tuman sa legal nga prayoridad.
- Ang pag-impas sa usa ka *secured loan* magatugot sa nanghulam nga mabawi ang mga kabtangan o ubang katigayunan nga gigamit isip kolateral.
- Ang pagbayad sa utang makapubos sa risgo sa *borrower* nga dili na makahulam sa ubang mga tigpautang sa umalabot. Ang kakugi sa pagbayad sa utang positibong magapakita sa maayong *credit record* sa nanghulam. Sa laing bahin, ang dili pagbayad sa utang mopakita ug negatibo nga *credit record*. Ang mga *credit record* mahimong ma-access sa ubang mga bangko, ug *financing companies*, sa ilang *credit investigation* kon ang mga *borrower* mo-aplay ug *loan* sa ilaha.
- Ang pagbayad ug pag-impas sa utang mao ang kinamaayohan ug dungganon nga buluhaton. Ang tanang hinulaman angay nga i-uli, busa ang *loan* nga hinulaman nga salapi, angay gyud bayaran.

## UNSAON PAGBAYAD SA UTANG SA MGA NASIRADO NGANG BANGKO?

### 1 Pagkuha og Account Reference Number (ARN) pinaagi sa mga mosunod:

- Sa mga kawani sa PDIC nga gi-assign sa mga nasirado nga bangko;
- Sa PDIC Public Assistance Center: G/F PDIC Chino Bldg., 2228 Chino Roces Avenue, Makati City 1231
- Pagtawag sa telepono:
  - Public Assistance Hotline: (02) 8841-4141 (alang sa mga tawag sa Metro Manila)
  - Toll Free: 1-800-1-888-7342 or 1-800-1-888-PDIC (alang sa mga tawag gawas sa Metro Manila)
- Pinaagi sa E-mail: [pad@pdic.gov.ph](mailto:pad@pdic.gov.ph)
- Pinaagi sa Facebook Messenger: [www.facebook.com/OfficialPDIC](https://www.facebook.com/OfficialPDIC)

**TIMAN-I:** Ang ARN usa ka *unique number* o talagsaon nga numero nga ihatag sa PDIC sa kada *loan account* aron masiguro nga ang bayad sa mga nanghulam marekord ug ma-account. Sa *Philippine National Bank (PNB) Payment Slip* isulat ang ARN sa bahin sa "Card No., Subscriber's No., o Policy/Plan/Reference No." Ang ARN ipadala usab sa mga nanghulam lakip sa *demand letters* nga gikan sa PDIC.

### 2 Pagbayad pinaagi sa mga mosunod:

- Personal sa:
  - PDIC Public Assistance Center sa Makati; ug
  - Bisan asa nga PNB *branch*

Sa *PNB Payment Slip*:

  - Isulat ang "PDIC FAO BURL: [Ngalan sa nasirado nga Bangko]" sa *Company Name section*
  - Isulat ang ARN sa *Reference No. Section*
- Pinaagi sa *cheke* o *postal money order (PMO)* nga gipadala pinaagi sa koreo sa PDIC Loans Management Group.
- Online pinaagi sa *Land Bank of the Philippines' (LBP)* Link.BizPortal sa [bit.ly/lbp-linkbiz](https://bit.ly/lbp-linkbiz)
- Optional* o tinugtang pag-offset sa *deposit balance* sa nasirado nga bangko kontra sa *outstanding loans* sa mga *updated* nga *borrowers*.

**Hinumdomi:** Automatic ang pag-offset sa *deposit balance* kontra sa *outstanding loan* sa *past-due borrowers*.

### 3 Kuhaa ang Opisyal nga Resibo

Alang sa mga bayad nga gipaagi sa PNB, *bank cheque*, o PMO, ipadala ni PDIC ang *official receipts (OR)* sa naka rehistro nga *mailing address* sa *borrowers* human masusi ug ma rekord ang mga bayad. Mahimong mo-follow up ang mga *borrower* sa ilahang ORs pinaagi sa pagtawag sa telepono, koreo, e-mail o Facebook Messenger.

## CLOSED BANK LOAN INCENTIVE PROGRAM

Aron maengganyo ang mga nanghulam sa nasiradong bangko nga mobayad sa ilahang *outstanding loans*, ang PDIC nimugna sa *Closed Bank Loan Incentive Program (CLIP) as of 2023*. Base sa tuig nga nasirado ang bangko o sa klase sa *loan*, ang mga kuwalipikadong *borrowers* nga adunay *outstanding principal balances* hangtud ₱5 milyon mahimong mo-avail ug *incentives* sama sa mga diskwento ug *waived penalties* ug *charges*.

| Loan Components                            | INCENTIVES                                            |              |                                                |
|--------------------------------------------|-------------------------------------------------------|--------------|------------------------------------------------|
|                                            | For borrowers of banks closed in 2022 and prior years |              | For borrowers of banks closed in 2023 and 2024 |
|                                            | Secured Loan                                          | Clean Loan   | Clean Loan                                     |
| Outstanding Principal                      | Walay Discount                                        | 30% Discount | 15% Discount                                   |
| Booked Interest, Penalties & Other Charges |                                                       |              |                                                |
| Unbooked Interest                          | Interest rate reduced to only 5% per annum            | Full Waiver  | Full Waiver                                    |
| Unbooked Penalties & Other Charges         | Full Waiver                                           |              |                                                |

Alang sa dugang detalye sa CLIP, bisitaha ang [www.pdic.gov.ph/CLIP](https://www.pdic.gov.ph/CLIP) o i-scan kini nga QR code:

